

5563.7  
1097

檜山集

單

BERKELEY  
LIBRARY  
UNIVERSITY OF  
CALIFORNIA

Carpantier



檜山集序



我東文獻盛於湖南而龍  
坪為多若丁檜山游軒兄  
斧與思齋安公活沅李公  
俱承趙靜菴先生道學之



淵源至行懿德蔚為師表

既同享于寧川書院又各

有印行文集而獨檜山遺

藁無傳焉只有感懷一律

入於游軒公所述譜序中



並白沙所撰墓表活泮所  
記行蹟附見于游軒卷末  
而止院中章甫咸以是為  
恨蓋嘗過求之京鄉幸得  
朝天一錄及嶺南諸詠於



李忠肅尚吉後昆字忠肅

於公為宅相也又謫他處

拾得若干篇并以游軒集

所載者合成一卷將付剞

劂與諸集並行于世一邦



文獻於斯為備吁其多矣  
諸議遂以并卷之文屬之  
不佞不佞謝非其人而院  
儒之千里蘭芝者再為其  
請念懇乃於疾病喪憾之



中略為之叙其顛末嗚呼

公天姿穎秀識趣高遠為

學不以誦說為事講究聖

賢之旨其事親也常如老

菜之供歡及其居憂卒不



勝喪又嘗於安老用事之  
時路遇臺官面叱其不効  
巨慝嚴毅正直之氣足以  
墜喪魄而堅人志畢竟空是  
蹉跎於進退其與游軒公



之斥絕元衡竄死於乙巳  
之禍者同其樹立不但寧  
庭間孝友之護義而又於  
安李二公之清名高節一  
味流馨無可軒輊竊悲夫



天使伯道無嗣遺唾之敬  
軼而獨闢刊行者亦由是  
也然猶零金片玉卒能不  
毀於兵燹今於數百年之  
後出自產篋宛然舊蹟若



非鬼神呵護何以致此而  
多士之竭力入梓以事其  
傳者亦可見其敬慕之無  
窮已也噫以公所學之正  
當世許以國器士林推為



領袖而位卑年闕莫展志  
蘊其可見者獨此寂寥殊  
編斷簡是何之以蓋公平  
生而猶能使晚生後學於  
此予寓其美牆蓋懷矜式



之博則是集之行有裨世

教室但為一邦文獻之備

且多而已哉若其詩文之

清健簡古皆有理致世之

具眼目者當有以評之非



余瞽見所敢妄論所可感  
者當日觀周之行不可復  
見於今而匪風下泉之思  
覽此錄而益切況當今歲  
是月宇嘗

崇禎後三甲申暮春也凝

川後人朴聖源謹序



檜山集序

古人曰太上立德其次立  
功又其次立言德苟立乎  
則之功也之也也不待立  
而自立矣昔立我

中廟躬檜山丁公與茅游

軒少而出入靜菴之門專

以篤學為主而遠出身望

朝律已蒞叔極竊正人不

敢干以私嘗以小行人躬



京師秋毫無所苟一行憚  
肅焉兄弟友生甚篤一生  
同居一室其同室異室之  
制至今流傳佐巖幕時大  
碩人卒于京第公以未親

執藥餌爲王慟竟不勝喪  
未暮而卒以公才德早蜚  
英明時宜大展厥施而未  
免潦倒終於小僚可勝惜  
哉以著詩文不止於此而



目年代久遠未暇收拾只  
此若干篇留在篋行故公  
之旁孫丁士人竭忠謀餒  
擇書傳之道問及於余公  
是先輩長德余乃後生末

學何可容易涵筆字噫有

德者必有之者出於心

而心之精者為詩与文佔

畢齋亦曰文章由於經術

經術乃文章之根抵譬之



草木無根祇馬其何以暢  
枝葉而積華實乎然則公  
之學業經術承爰於大賢  
門下兄弟睨饗院宇焉其  
言之不朽而傳步世可保

無疑也是為序

崇禎後三甲申夏末杞沔

俞寢基序



檜山先生文集目錄

卷之一

詩

金泉驛途中

扶桑驛途中

伽川橋望伽倻山

留陝川見新客舍翼起天中可奔馬一賀其成

又覩其過

留永川郡霽月堂次板韻

次新寧縣題詠

自仁同縣八營縣途中作

次星州八營縣題詠

又

次密陽嶺南樓韻

次梁山郡清溪堂韻

次雙碧樓韻

次澄心堂韻

又

題昌原鄉射堂

入金海得二律呈仲望使君



又

次蠡石樓韻

又次晉牧子任先生

次山陰授鵝亭韻

又

次東軒韻

在梁山郡齋即事

次東坡驛董中使韻

贈朴鍾城蕭呈由太守

策一道

卷之二

朝天錄

西行記

卷之三附錄

墓表

行蹟

寧川書院上標文

寧川書院請額疏

禮曹回啓

賜額文



親文

繪山先生文集目錄終



槍山先生文集卷之一

詩

金泉驛途中

戊戌十一月三日嶺南亞使時

歲律將窮霜霰稠遠隨陽鳥入南州多慚青幕公孫  
俊謾著周遊季子裘山向雞林猶古色川歸洛水自  
長流勁風竟日吹征面豈問應添朝暮憂

扶桑驛途中

嶺外驅馳去轉忙此身長惱憶鱸鄉天姥若木冬猶  
暖地近伽倻氣自蒼盤剝橘柑疑夢澤鴈飛洲浦似  
瀟湘寒驢忽詠長沙賦日暮驚風撼客裳

伽川橋望伽倻山

十七

伽山西望鬱嵯峨，  
伽水東奔碧玉波。  
客渡野橋何促迫，  
僧歸雲境自幽佳。  
茅茨雪竹孤檉僻，  
秀谷風烟落日斜。  
老去逸懷消未盡，  
強留征馬一吟哦。

留陝川見新客舍，  
翼起齊天中可奔。  
馬一賀其成，  
又規其過。

十九

地坼河奔若拖紳，  
河濱烟火幾千春。  
關心墊溺民生苦，  
勞劬虛無棟宇新。  
歌詠忽增村巷樂，  
驅馳聊見往來賓。  
長孺一臥淮陽郡，  
清淨無爲也未仁。

留永川郡齋月堂次板讀

臘月初



宵次蕭然若壘水岡頭高閣客來登寒靄江鎖千波  
響葉盡山稠萬疊稜傲雪竹松同保節尋灘鵝鴨好  
爲朋憑欄默對晨將暮勝致方知愜衆禰

次新寧縣題詠

初七日

十萬脩竹傍小溪奇巖層疊彌高低無端翡翠雙雙  
舞閑入溪林自在啼

自仁同縣八莒縣途中作

十八日

天陰漠漠雪飄花北客南征路轉賒翠竹森森山後  
蒼青煙細細水南家望雲眼暗寒生淚覓句魂消慘  
若磨范子清風無術繼追風終日感空多

次星州八營縣題詠

南來怕見馬駢駢  
素餐如何把一麾  
擘橘剗鮑思亦  
極早尋松桂好  
栖遲

又

白髮蒼顏聽又重  
不關於此  
衰翁東奔西驚  
成何  
事長道空驚歲律窮

次密陽嶺南樓韻

二十

登臨身若上雲天  
碧玉湖光盪眼前  
千頃果林孤鶩  
外萬重螺髻落霞邊  
霜深老葉紅圍錦  
露浥芳芷綠  
鋪煙一入南中風景  
最暫將瑤瑟醉華筵



次梁山郡清溪堂韻二叶

孤嘯堂前萬竹昏，爭枝野雀故相喧。  
客窗半夜江風緊，靜聽寒波鈇馬奔。

次雙碧樓韻二叶

城上飛樓縹緲邊，緣情送笑苦心賢。  
思飄擬對武陵勝，骨爽如逢方丈仙。  
臘盡梅梢紛破眼，春歸浦口遠涵天。  
平蕪落日無聊賴，翡翠悲鳴過竹田。

次澄心堂韻

上一首和金先生宗直別詠思  
第料提上之事而作二十三日

不廢江河萬古流，丹心化碧月東秋。  
沉吟佔畢懷忠句，志士從前一様愁。

又

城下溶溶碧玉流  
南中冬景若涼秋  
竹間翡翠疑飛  
疾解纜征夫萬里愁

題昌原鄉射堂

昌原鄉姓貫地也詩意可見而曾入於詩軒所撰族譜亭文中

陽海前頭是義昌  
薄遊人到久徊徨  
日下古壕晴望  
限春回宿草露應香  
誰能天地生民始  
歎感根枝發  
後長鄉中父老多  
厖爭祀靈醫夜已央

入金海得二律呈仲興使君  
此邑乃看露玉遺  
墟使君且有濡民之政  
故一以賀之一以懷古



蕭蕭征馬路三千首露名區碧海遶鬱翠峰巒紛拱  
揖蒼茫島嶼遠星躔天孫影響雲無迹神代木冠草  
自芊吊古吟停還一睡夢魂騎鶴入冥然

又

馨香之治曠千年單父遺音聞爾絃擊歟屠禽功自  
別將刀弄劍用何徧天昏眠犬柴門外日午呼雞桑  
樹巔憂玉殿靈丹壽域遶氓那久借和扁

次蠶石樓韻

己亥正月  
初一日

孕靈凝秀擅名區江上新春靄畫樓淅瀝波聲宗海  
若巍峩山勢接頭流煙汀日晏鷗爭浴竹島風輕翠

欲浮自是天心萌動處擬看 玉澤潤南州

又次贈晉牧子任先生

初七

飄飄鳬駕下邊區秀句吟時聳玉樓榻上絕絃元古  
韻庭前舞鶴自風流苔封銅篆塵常滿春動江城喜  
已浮香案侍臣留豈久惠聲垂範嶺南州

次山陰換鵝亭韻

吟嘯飄然入洞天團成風景自神權直尋青鶴丹梯  
秘邇問山陰道帙傳江鳥解嘲煙火客嶺雲應笑往  
來鞭清波白石春增麗斜倚危欄日暮邊

又



山勢頭流幾萬里天成佳景盡圖中丹崖松老鸛巢  
穩高客登塵想空日暖庭梅紅蕊綻春還江水碧  
藍濃風煙偶矚秦餘景豪態悠然鳥脫籠

次東軒韻

烟生洞府失孤村千嶂重圍只一門石老江青春又  
到紅衫擬拂武陵雲

在梁山郡齋即事

十七

柳欲舒時梅欲放村童節酒賀東皇陽回苦竹何增  
綠露潤枯蒲定不芳百舌如簧爭令節孤鴻矯翮去  
清湘客中清景空遲暮任向南天學楚狂

次東坡驛董中使韻

北京使行  
歸時作

坡仙一過世代隔雲飛鳥逝無蹤跡  
我來青霜楓葉赤沉吟吊古玄秋色  
胸中闊闊弄陰陽人世篇章豈  
古今飄蓬風轉竟何定愧却林薄歸來禽故園松桂  
寒露濕苦向南天懷竹笠固知內重窮亦樂酸笑北  
璞空哀泣登樓崖幘望夕曛百隊鴻鴈落海門何年  
會得囊中秘帶視滄溟  
墩鶴堂若問西消息莫  
道愁吟只道寧

贈朴鍾城兼呈由太守

南宮舊選俱在會崑山寶樹開塵目使君傑出百濟



地筆勢自擅誰與敵朴俠鍾受雪嶽精釣情托興珠  
與玉病夫早歲屏鉉棄憶牆窺庭知退御相逢皆是  
越鄉人適會佳節中心激寃懷共傾餘棄落王孫列  
席如京國寄語朴君如京師好向青冥張羽翮有人  
若問滄溟事莫道關外逢病鵠

### 策

王若曰云云

臣對臣聞天下不能常治其人亡則其治熄天下不  
能常亂其人存則其亂革為國者苟能遵先王之法  
而勿失則其人存而其治可無弊矣恭惟主上殿

下灼見是理賜臣之策以齊魯尊尚之不能無後世  
之弊與夫我祖宗規畫出治之亦不能無今日之  
弊降清問于庭雖以草莽賤士俾得盡言臣有以  
見殿下安不忘危聖不自居之盛心也臣雖愚昧  
敢不精白裨萬分一聖策曰周公治魯止有所不  
爾者歟臣謂聖賢之道未嘗不一而聖賢之治未必  
皆同夫周公主天子禮樂之責以隆王化故治魯以  
尊賢之義倡天下之諸侯太公主天子方伯之任以  
正王法故治齊以尚功之法勅天下之諸侯此其所  
尊所尚之不得不異者也然賢者德之所存功者德



之所著周公之尊賢不惟尊所存之德而所著之功亦不得不尚太公之尚功不惟尚所著之功而所存之德亦不得不尊其所尊所尚只言一時之輕重夫豈懸絕而不相干哉聖賢之道未嘗不同者此也若使繼周公之後者心周公之心法周公之法親其親而尊其賢者一如周公之時則魯豈有微弱之弊繼太公之後者心太公之心法太公之法親其親而尚其功者一如太公之時則齊豈有篡奪之弊乎然則二國之不能無後世之弊實由於二國繼世之君不能心二祖之心法二祖之法故也是豈貽謀不臧所

尊尚之不得其道而然歟是可謂世主之殷鑑伏願  
殿下留神焉 聖策曰惟我 祖宗規畫出治止

其道何由臣謂從古帝王能規定典章陶鑄大治啓  
永世無疆之休則其為後世子孫者敢不兢兢以守  
其位戰戰以保其業乎臣伏覩我 祖宗恢帝王之  
心明帝王之道兼盡周公太公致治之法篤親親之  
恩而九族得其和睦重尊賢之義而俊傑揚于 王  
庭尚有功之人而才能爭勸其功大化流行至於閭  
巷之間亦能盡恩愛之道崇好德之風身趨於於變  
時雍之域此無非 祖宗盡一心之德成帝王之治



其為萬世之慮周詳徧至無所闕漏者也今我 殿  
下稟聰明睿知之資極仁義禮智之德續承洪基夙  
夜憂懼九族已睦矣而益盡親親之道賢者尊功者  
尚矣而益盡尊尊之道治化大成顯于東土光于前  
烈守成之道可謂至矣而然猶存覆隍之戒慮日中  
之憂反謂 祖宗之治化或至今日不能無弊思得  
損益之宜增致率由之誠使無萬世之弊諄諄於草  
野之儒愚臣伏讀至此頓首稱賀而揚言曰天下之  
至難成者治也天下之至難守者亦治也 祖宗艱  
難勤苦以成之子孫亦當戒勤恐懼以守之今 殿

下之言及此實我國宗社生民之福也愚臣沐浴  
聖澤之中不知某政之為今日弊某政之當損益只  
舉導祖宗永世無弊之道為殿下言之思昔太  
甲嗣成湯之業伊尹之所啓沃者莫非成湯日新之  
功太甲能守之繼是者亦能行之是以成湯之治無  
弊而綿歷至六百年之久成王繼文武之緒周公之  
所告戒者亦莫非文武先王之事成王能守之繼是  
者亦能行之是以文武之治無弊而享祚至八百年  
之遠然則今日之所當惡者實不外乎導祖宗之  
治而祖宗致治之大綱亦在夫親親尊賢而尚功



在其中矣中庸之論九經親親尊賢為之首斯二者  
豈特為齊魯已而我古之聖帝明王之為天下國家  
莫不以此為要 祖宗之待是為治者不惟法周公  
太公而已實 祖宗二帝三王之道也為萬世之業  
捨是而不能為始則欲為萬世之無弊者其可捨是  
而能為終乎伏願 殿下以 祖宗之心為心以  
祖宗之德為德親親之道雖曰至矣益致其聖心使  
一國臣民自盡其親親之道尊賢之道雖曰至矣益  
致其聖心使草野無遺逸之賢引而伸之觸類而  
長之使九經之道循序而各盡其極則 殿下之心

即我 祖宗之心 殿下之德即我 祖宗之德我

祖宗休養之意雖至億萬世而求無其弊矣豈特  
商宗之繼業成康之承緒而止哉伏願 殿下留神

焉 聖策曰其各悉心以對愚臣學不足以博古識

不足以通今何足以奉大對然言而不盡罪不容誅

臣謂君以賢而得尊其身國以賢而得致其安賢德

不登於朝則周公之治只親親而止耳尚何能致大

猷於魯乎功能不尚於國則太公之治只尊賢而止

耳尚何能成大業於齊乎是以古之帝王必以二者

為致治之要而又必以尊賢為致治之本伏願 殿



下寤寐思賢至誠無息終始若一則一德一行之士  
一才一藝之人咸得彙進於朝廷之上得人致治之  
隆將與成周同休而匹義矣齊魯小國之治尚何足  
言歟臣不勝數切屏營之至伏願 殿下留神焉臣  
謹對

檜山先生文集卷之一



檜山先生文集卷之二

朝天錄

丁酉

嘉靖十六年

七月初一日戊寅余以書狀官隨使臣

自義州城登途是日晴夕大雨風○昧爽余先至鴨  
綠江之上流按封船分下難子江黔同島二步遂乘  
舟沿流南下十里許泊黔同島日既晚一行之濟由  
難子者集島邊先點渡已畢薄暮余等帶雨越江過  
鵝鷓島秋江依南岸露宿夜雨霽

初二日己卯晴○詰朝南行過婆娑堡至金石山之  
川邊做飯先遣通事洪謙金衡等送人情布于湯站

余等尾行至寬得洛谷谷之西有山峽斷峻秀乃義  
州西松鶻山也一名海青又過湯站轉而西南行  
二十里許至鷺子巖洪謙等乘昏追至報指揮韓承  
慶之語曰頃者謝恩使赴京時團練使失馬于賊予  
即發徒捕賊械送巡按御使院馬既牽還義州你亦  
知乎謙曰淹留可詳顛末

初三日庚辰○在後者隨至水若小加則河路塞矣  
是朝鳳凰城人情布賫去通事李龜黃澄等來報宿  
所守城都指揮吳哲副指揮馬世英各差官踵送下  
程具別求理中元使即封與之



初四日辛巳陰而灑雨○早行過杜嶺八道二河只  
一水縈曲數十里間與瓮北河別為三渡源遠而鋪  
底多大石又會分水嶺以南諸谷之水故淫雨之節  
沅漲騰陵動至旬月八站阻水之患此三河為最日  
晚至獐項做朝飯送通事李龜指路甲士周仲昌等  
賁報差批于連山關仍令倍道先往遼東又過通遠  
堡堡之設依山面海河與山絕名龍峰又瓮北德二  
山抱西南矣夕宿于草河洞樓官亭前坪在昔聞諸  
人遼陽以東鴨綠以西空絕谷羯胡之鄉荒草四合  
蚊蚋撲面行者甚苦今觀之山原平廣土脉膏潤闢

田野坦道路鷄犬相聞牛羊布牧居民踈密與我西

邊大懸也

空字下起  
有原字

初五日壬午陰而晴○早行過分水嶺至連山關關  
抱東西項管出入之譏村落七八餘屋栖在山阿不  
知百戶所在也又過麓河高嶺櫟子洞甜水站至青  
石嶺夜雨

初六日癸未晴夕大雨○平明由青石嶺轉北而下  
過顯得嶺狼子山至三柳河日已曛暮即於河內營  
宿

初七日甲申晴○朝行過大小石門嶺從人指示兩



嶺間有都督墓云乃高皇帝勲臣王祥墓也又過車  
踰峴石河兎至懷遠館館在遼城外二三里我朝鮮  
往來使命皆舍于此館方營繕千戶王彬董其役見  
余等迎揖問勞即辭去鎮撫康鎮亦來館余等即令  
洪謙問朝廷萬福訖曰語及皇太子冊封事荅以  
未聞缺下鎮撫高崇坐罪家屈百戶宋臣其代也又  
問崇坐罪之由荅曰龔學士使東時取巡按御使院  
外郎王泮等帶行西還後御使憑泮等跡聞頭目之  
在東崇偷銀盞指揮馬倫之伴人林明奪取遠接使  
紙筒入紙指揮田祿竊洪謙衣服門子張越胡欽馬

朝宗又偷取臘燭等事拿囚崇十餘日杖二十五度  
遂黜之杖田祿二十五度林明三十度張越胡欽馬  
朝宗各十度皆用棍杖棍拿治重罪杖也御史史包  
善其姓名也

初八日乙酉晴詣都司見官○是日早朝余等入遼  
東城雉堞峻壯隍塹廣深閭閻繁夥物貨富麗城之  
西南東千山杏山等諸山環抱雄據形便控制山賊  
為東北方砥柱也仍詣都司日晚掌印大人劉大章  
三大人徐府會坐鎮撫康鎮等導余等就階上以次  
入拜大人皆荅揖余等退立西壁進茶訖使臣令通



事車允成告曰尺聞牛家庄以西水漲路不通願大  
人差官預往擺船護濟何如掌印首肯稱唯余等即  
拜辭而退又令洪謙賁咨文往呈御史察院及提兵  
官布政司太僕分司閱馬司等處謙得聞康鎮王泮  
等言來告曰天使四月十三日到遼東五月初四  
日起行初十日到廣寧留十八日六月初九日到山  
海關留七日到京日期未詳云進賀使南世雄阻水  
漲七月初九日僅過山海關聖節使趙賢範本月初  
六日到廣寧云

初九日丙戌晴而午雨在懷遠館○遣洪謙李龜等

分送人情于都司諸大人及提兵官等處二大人陳  
善奉表赴京師未還劉徐兩大人與提兵官李景良  
皆別求物產徵名責數此輩起行伍不可責以廉謹  
然受重寄提節鎮邊輒施好惡逞志於外國行人汙  
甚矣

初十日丁亥在懷遠館是日陰而雨○掌印大人及  
提兵官各差人送下程午後邀致康宋二鎮撫具酒  
果慰待曰與人情物

十一日戊子晴在懷遠館○令洪謙送遺都司與提  
兵諸大人索物是日陳大人家亦送下程



十二日己丑晴赴都司宴享○兩大人俱會設樂進  
雜戲宴之先後兩大人率余等焚香設御位各行  
向闕禮訖還懷遠館王彬在館督役即邀設小酌給  
扇帽乃罷令黃澄往八里站討車輛是夕徐大人送  
下程

十三日庚寅晴車輛未集留懷遠館

十四日辛卯自遼東起程是日晴○平明由城東底  
而南過八里站首山嶺至沙河舖有二水帶舖之前  
後皆名沙河又過長甸舖到鞍山驛驛傍兩巖角峭  
秀東曰遼高西曰遼下遼高之後有千山巖巖若東

戟然連接青石嶺幽邃清靈北方諸山之最勝龔吳  
兩學士留遼東遊觀處也

十五日壬辰晴○過漳河八里河甘泉舖土河舖至  
海州衛亦巨鎮也入東門轉北行出西城舍于驛館  
十六日癸巳晴○至牛家庄驛令洪謙往語守堡指  
揮曰聞站以西河漲願大人差人鳩船利濟不通使  
遠人得免柅滯實朝廷之禮遇大人之厚意仍遺雨  
籠等物指揮荅曰敢不承即送夜不收二人于三义  
河督船聚艤于海子口日暮不報也

十七日甲午在牛家庄驛是日晴暮雨○詰朝馳遣



李龜督船于河來報曰小船數隻已泊岸猶不濟即遣督之守堡官送雞酒之饋報以橐中所贄伴送李寶至自遼東

十八日乙未在牛莊驛

十九日丙申晴夜陰而洒雨○余等早出海子邊登舟沿下十里許至三义河河即遼河也合珠河代子河之水故名其河三河皆自恭寧之北發源至此合為一也直西北渡至越岸更入海子東北望荒草曠野彌茫數百里乃恭寧健子之居也自開州衛之東北等長牆濬深壕五里而等墩臺十里而設堡成西

南抵河上轉北而經廣寧之北接于秦長城之東以  
禦不虞也自此牽纜汴上十五里許泊崖做飯海子  
東西大原沉為水府舟行缺疇鳧戲丘陵禾稼屋居  
之蕩沒到到皆然舟子云今夏雨水之患近古所無  
也又行至沙嶺驛西城之底日將吳舟人欲泊舟余  
喻于衆曰行人之尺進尺退大有利害今行船無論  
昏晝疾曳而上三日可到廣寧且夜久月當明舟豈  
得住也人咸苦之又有雨微即撤入城舍于館守堡  
官王沛送雞鵝酒糗之饋且曰近有欽差歷過欲得  
貴國白粒支供也使臣即給若干曰恐擾上國站路



賁橐草甚未能優呈且承厚禮慙謝但食性異宜又  
所賁庶自給云只留雞首

二十日丁酉晴○平明行舟舟頭旋望四無丘坪直  
北醫巫閭山微抹天際若拖帶然南只千山數點露  
髻雲邊矣行過高橋清泉平洋振武等堡至高平驛  
下陸將投館適三衛獫狁三十餘名先於此止住余  
等却寓宿人家

二十一日戊戌晴而暮雨○平明舟過腰站至盤山  
驛有蛇岐黑之山為驛之北鎮皆醫巫閭之東支也  
堡主張欽修下程儀報以燒酒雨籠等物

二十二日已交晴○早朝行舟至潮溝浦下陸盤山  
車騎已到矣過平甸浦至東岳廟廟在廣寧衛之東  
臬面勢儼遠殿臺巍峨與北鎮廟東西相望也余等  
入中朝地境瀆於事神構廟祠立塑鑄石或關王武  
安王廟或泰山行祠觀音廟娘娘廟二妃廟名號不  
一八九里間或設四五處數椽白屋之民亦莫不立  
像以事至於親死棄櫬溝壑經歲不葬者頗多俗之  
不臧類是由廟而西五里許到廣寧衛之南城城之  
距醫巫閭僅十里層峰疊嶂屏擁西北雄占扞禦之  
形高城深池物富人衆與遼東鎮相為聲援有犄角



之勢東北民生之保障也八由歸化門過奉安門鎮  
遠司監察御史劉文謨瓊林春色門進士張暘進賢  
門恩榮門進士坊僉事府至驛館方興土木將移排  
巡按御史司云又過都察院進士安永清連第門假  
宿人家都御史任洛太監王來於揔兵都督馬永家  
飲宴故通事未得見官

二十三日庚子在廣寧驛是日晴○平明令洪謙往  
御史都察院呈掛號關字又令車允成送人情于太  
監與揔兵官既而太監差官送下程都御史亦送下  
程曰辛苦遠來從人處徧及之宰相知道余等迨入

三字  
缺

稱謝揔兵送下程目元硯與弓兒使臣荅曰軍官等  
帶弓一二張經靈雨筋角釋縫盡 棄硯當敬承  
二十四日辛丑大雷電以雨○平明過指揮趙忠妻  
左氏忠節門至四衛立四擺樓於街口南額以長安  
日近北曰北鄙塵清西曰醫閭形勝東曰遼  
又過舉人杜矩雉飛門繡衣場舉人劉德芳神霄門  
出南城之向日門又過揚威門演武場北鎮廟沙河  
坂橋舖蘆溝至閭陽驛有龍王保住分水望海諸峰  
逶迤百餘里經敵廣寧十三山之北者通謂醫巫閭  
此驛兩門當諸山南故名閭陽又過新舖榆林舖窩



托舖至十三山驛東有山驛之北西南有胡蘆套三  
省塞兒等諸山之連抱故名之

二十五日壬寅

二十六日癸卯

二十七日甲辰

二十八日乙巳

自壬寅至此缺

二十九日丙午晴在西河雙樹舖○至寧遠衛衛在  
立山虹螺山之陽永兒河又來繞城東北而注西之  
鉄冒南之青糧等山亦分起而虹螺三疊獨秀拔於  
諸山也余等入春和門歷城市出由南城門過講武

場永兒河而西至曹家莊驛

八月初一日丁未晴至東關驛○是日所歷水曰小沙河大沙河陸田中右千戶砦城曲尺河鋪

初二日戊申晴暮雨○過六州河中後千戶砦城雙墩鋪至沙河驛有二總角頗慧來遊館庭招近之啗蜜果與之筆柄仍問為誰乃守堡官姚珎之子也珎心感之遂下程又寄一律詩以致其意又求和其詩曰適意無南北相逢江海邊關山千里外雲雨一燈前沽酒我同醉論文汝獨賢分襟在今日握手又何年使即步次并面奉物送之



初三日巳酉下雨而晴○過石河狗兒河至前屯衛東北諸山之層疊礧礧者皆自山海關而來鎮也又過石子至高嶺驛自廣寧至山海關數百里間有三衛六千戶所城九站錯以小舖衛最巨千戶所差小站又次之舖不過五六千戶或三四十戶凌河杏山以西山阿海濱土地疏脊民居散落距長牆遠不過三十里近或十餘里長牆之外乃獯羯之居世為邊患諸衛所城分據要害處虜小入則自扞大入則合勢禦之方甚密世適昇平狼烟不起然朝暮間竊伏荒草伺起而劫掠良民者頻有聲息民村危恐不

能私立門戶五六家或十餘家共圍一墻等候墩其中早闔晏開以相保焉其苦樂與東八站無異也別差防禦指揮河經守堡官楮獐皆送下程使臣令洪謙語楮獐之舍人曰館夫支供雜物豐甚是亦大人之賜也不須更煩只留托盒

初四日庚戌晴○明發而行過惡水河中前千戶所城清水河老軍屯鋪至山海關乃長城東門也仰見百丈粉堞翼起雲中凌跨萬里西北來高山峻嶽盡為城足金湯鎖鑰限隔戎虜得人以守雖百完顏韃渥溫當垂首脅息頓分稽顙矣始皇晚年心力只在



此城其威靈振蕩沙漠而積惡之極鬼憤人怨去歲  
之患忽起蕭牆豈長城之罪也朝飯于海子外漢勝  
遠侯廟堂之側時未至晚牌仍留憇午後從車皆至  
余等即過東關橋至城底候時申末而開關左右兵  
威大陳葦人云自主事王日免遇害奸盜以後關之  
開閉輒陳兵為永式也關門之內有鎮東門門北有  
鎮東公館乃兵部分司主事常坐譏察出入之廳也  
先使李寶洪謙呈遼東批文余等遂入就館廳將拜  
主事呂調羹姓名者只令行揖訖退立西壁飲茶又  
就前揖退休于東北第一關擺門之西主事即呼從

人姓名點入過舉人李伯潤門儒學門出山海衛之  
西城巡恩門舍于遷安驛

初五日辛亥晴在遷安驛○詰朝令洪謙送禮布及  
帽扇米袋等物于主事往年於宋璠之赴京也謙  
隨行焉其時主事新承葛修禮之後多少贈物咸却  
之只留硯一面令所贈人情一受無遺前日之歸非  
贅言可知呂公朝廷清遊一操履若茲斯豈非士風  
貪鄙待之不忍見之無怪之致耶又令車允成送人  
情于守備指揮指揮蕭寶也差人送下程目請曰九  
月初聞 皇帝幸天壽山朝中士大夫多求油蜚欲



備雨具云給所索以送

初六日壬子晴○晨行過石河紅花舖烽臺嶺老河  
舖海湯河溪河望海嶺至榆關驛驛丞劉雄來見問  
勞躬進茶飲已導排下程余等謝揖以遣踵送扇子  
等物又過馬坡頭白石頭恒山等舖大家河洋至撫  
寧縣南城由城外行過演武場五里許投宿蘆峰口  
驛

初七日癸丑陰夕驟雨電待明而霰○西行十里許  
望西南有大岳秀出諸山問其名乃昌黎山山之南  
有昌黎縣唐韓愈舊墓猶在云夫人尚志修業一生

經濟之學不得施於世志士文人之歷過者與喟數  
百載之下其無窮也已由山之北麓而西過蘆峰口  
舖蘆龍縣界雙王十八里八里等舖至永平府南城  
外又行五里許至灤河驛關城以西狄境漸隔民生  
樂業耕田鑿井興居任性始見昇平氣像矣是日車  
輞落後

初八日甲寅晴在灤河驛○ 曾嘉仁送遺水精葡萄  
梨桃等果即回奉扇子等物

曾字上  
缺一字

初九日乙卯晴在灤河驛

初十日丙辰晴○日出而行六七里許至灤河永平



府西城底也源發極北會諸谷水為大河來繞府之  
北城而為之泓南流十餘里復為一河潏洲奇石  
沙河荻岸烟對睽原縹緲隱映清麗壯偉又有龍山  
雙子輩架馬鞍等諸山遠近爭勢環抱江城之東北  
西三面作一形勝也五里間三渡河而履陸西行歷  
孤竹君古墟居人樹小碣以表其地聞諸華士永平  
府東三十里有首陽山夷齊與孤竹君祠皆在焉知  
府春秋一臨潏藻以薦之君生二子各稟聖德倘順  
長幼之序兄君弟輔其神明之化當不讓成周忽  
使二子奔避海渭之濱宗國影象滅沒三季誠

有國者龜鑑然二子當商末否我孟津之舉縱令繼  
世而君孤竹其不肯宗周首陽之餓去留等耳但寥  
寥宇宙浮生之雲消霧散三四十一年間蔑無蹤跡者  
不知幾千百億獨君附聖子名流諸不朽人至今立  
廟時祀不替尚矣其有子也又過白紵店亦烽舖塞  
山舖沙窩舖至七家嶺驛

初字下缺一字  
忽字下缺二字

十一日丁巳陰雨○朝過幻爺塚山新店舊七家  
嶺馬坡頭舖新店坳榆舖鱗龍舖至榛子鎮店市隄  
挾路日方午人物全集幾不得行由店西北行又過  
狼窩舖欽城坎舖板橋舖疾風甚雨雹大作人迷不



辨馬什不進間關十五里至豐潤縣之義豐驛車輛  
落後

十二日戊午晴在義豐驛

十三日己未晴在義豐驛○豐潤以西水潦猶漲車  
路不通云令李龜往見知縣討舡隻聚艤于還鄉河  
十四日庚申晴○日午出河上一行登載已了日將  
具矣遂西南沿下十里許住舟夕餉又下二十里許  
舟人皆告勞不肯援舡仍泊岸寄宿舟中是夜月色  
如晝可數秋毫矣

十五日辛酉晴而大風○晨發西南下七十里許至

押紅橋自還鄉河沿流百許里間兩岸烟樹積翠遠  
近村落深遠連橋比戶皆是厦屋比河間闊雲委店  
肆盛張旅舶商舡之依崖者不知其幾也又南下四  
十里許日已薄暮矣令通事洪譚問水行程途舟人  
皆不的知又苦其夜行沉疴載楫以示不行至一行  
下人咸欲止宿余立督之下令從舡無使落後張輻  
振櫓西出小頃洪波湮放通流大海四極無際涯適  
仲秋望夕團魄流光又便風從東北起舡往如箭玉  
田漁陽數百里程已在瞬息頃望見剗樣在蒼茫有  
無中慮是人家欲問水路指到其處數間白屋壁立



大浸中室宇之空已久又西向疾馳過三四十里顧  
從舡散漫無歸處即下帆住舟荻叢間夜可子丑舡  
行所歷儘是村居畎疇覆沒之患什倍三义河矣

十六日壬戌晴○平明舟過十餘里停楫以俟從舡  
日晚齊到即行五里許入草橋之下流曳舡泝上四  
十里許天陰月翳使臣謂下人曰昨夜行舟聽鷄而  
止今日曳纜見星而泊蒿工勞極矣遂沉疇宿于舟  
上夜久烟掃天淨雲洗水輪鳴沙渚鴈叫霜空蓬  
窓吟嘯徹宵莫能成寢

十七日癸亥晴○鷄鳴行舟過三十里許東方已曙

又行十餘里泊岸做飯當午西風遂起折木飛沙波浪振蕩舟不得尺進仍留泊薄暮陰霏解駁風勢大止犯夜挽上月星明橈水天一色舟子亦忘其勞矣將曉至草橋河河在三河縣之西八里矣

十八日甲子晴○未明遂金衡入三河驛討騎而出入投館邑人口詒曰今年水災疇曩所罕縣以西土氣濃瘡車溺馬陷決不得行莫若還下東南向海歷天津衛河西務直抵張家灣進泊于通州之白河若遭便風則二三日程耳與寸步尺進八九日間關泥濘中勞逸自懸聖節使行橐亦舍車乘舟沿流南下



有日矣車允成洪謙等丙申初秋隨宋璵之行受詔  
於車夫備嘗詐偽故力折焉

十九日乙丑晴在三河驛○清早使洪謙往告知縣  
曰車輛不齊今又滯行謝恩使不可緩願速差官督  
令入送知縣鮑德答曰大車元不夥雜載以騾驢及  
羌車可也且貴國銅碗欲見樣云即遣門子取去看  
了送還也又令洪謙送硯筆墨雨籠等物知縣領使  
稱謝即送下程鮑乃科第之人也

二十日丙寅在三河驛是日晴

二十一日丁卯晴○朝行過白浮屠舖泥窩舖夏店

馬巫岱鴈郊等舖觀音寺趙里舖至通州之白河一

名白遼河  
名東遼河

南里四十里間舳舻雲屯填塞海口檣竿

之立紛若菴田西南諸路貢賦商賈之舡莫不由此  
河以達京師為上下公私之費通州據下上當要衝  
之地故物貨殷富為北方之甲也人云河之南二十  
里有張家灣又百里許有河西務戶部主事開分司  
扼其項譏察行舡之來往若山海關之鎮東館然也  
日莫渡河抵州之東城外之潞河驛館宇頽圯不修  
令通事往圖舍已立馬街上閭閻市肆之纏撲城外  
者亦可當大郡邑仍投宿廛肆中人家



二十二日戊辰晴留通州○是日聖節使通事金白  
監官鄭蕃等來謁言八月十四日乘舡自三河縣草  
橋河流下今始來泊云

二十三日己巳晴○早遣洪謙李寶先往朝陽門呈  
報算于宮官之司察者日晚起行入由舊城東門過  
監察御史楊騰擢樓太僕寺丞張浩詔擢樓大運中  
唐新城東門大運西唐出新城西門而行五里許至  
永濟橋橋跨運糧河如虹之起橋施之汴而達大通  
河汭而下東潞河者皆由橋底出入焉又過觀音寺  
東岳廟朝陽橋入由朝陽門過會同館僉事府至書

下橋橋跨玉河河出玉泉山東流三十里許入禁中  
為金水河又東流出宮東城轉而南為玉河又南流  
出京城轉而東為運糧河又為大通河橋西立擺樓  
扁曰玉河橋過擺樓小西路北有公廨亦名玉河館  
九夷八蠻之會朝者皆館于此也余等遽入就館之  
西照進賀使南世雄聖節使趙賢範書狀官李乙奎  
李禎等皆來會問 本朝萬福相勞慰畢問其舍心  
前到二行分寓東西兩照諸衛獐子三百餘名散處  
諸短連雉西短連空閑副使李堯私起菜圃于庭庭  
北有崩頽長屋上雨旁風不可容即令洪謙陳請于



副使速令修理仍借副使及序班等廳姑寄寓以俟  
修理之畢副使乃會同館屬貪而常在于此料理館  
事者也余在 本國粗涉前史目歷代稱義之言常  
謂 中朝之待遇我使臣必加禮貌到今乃與犬羊  
共閉一圈腥膻之氣襲體薰膚所見太乖所聞矣且  
副使嚴朝莫之令申鎖卯鑰至小閹并閉雖一土人  
或復絕而不相從浚怪之迹問其由乃非朝廷本意  
市井牙子及副使等締結上下操縱我國人不許擅  
便出入私自通貨陰使利柄委於已也此實從前通  
事等沉酣珍貨心迷目眩恣肆忘返至於奉 命使

人輒喪行檢者往往有之厭賤於華人耳目有素濫  
觴之餘市廛惡少輩投隙而自為隴斷之地其勢不  
得不至於斯辱耳

二十四日庚午晴 皇帝免朝余等在玉河館○是  
日序班李永華李時貞來館余等出迎揖各退于私  
處貢馬及方物諸卜咸至無落後

二十五日辛未晴在玉河館 皇帝免朝○呈報單  
于鴻臚寺在山海關聞 天子將幸天壽山今皆不  
實必守備蕭寶搆虛語詎取油菴也是日取鄭光溥  
一百三十五人如我國漢城試也



二十六日壬申朝見于大內是日晴而風○夜五更  
詣東長安門外待漏啓鑰而入過二層門又至于二  
層門門皆一門而設五虹門入造于二層大門乃午  
門門東西城上對設閣道四隅建四樓樓皆二層并  
北樓為五樓故又名五鳳門 皇帝免朝而三門不  
啓十二健卒雙牽六象而出軍威之陳于庭者亦皆  
散去唯大小官之辭朝見朝者僅七八十人留于門  
外序班李承華李時貞孫璧等引余等齒于外郎之  
後遂升御路五拜三叩頭退就光祿寺前喫酒飯外  
人之詣朝賜酒飯例也喫已還詣午門外三叩頭出

田端門過水天門之北對建三四丈圓石刻畫龍文  
乃擎天柱門南對坐石獅俱極精工其南有五石欄  
橋各配五虹門連跨金水河上并東長安門內之橋  
凡六橋也河自西長安門之牆至東門之牆可三百  
餘步流直如繩階濶數丈五橋之南又對建擎天柱  
柱南數百步許有大明門遂還出東長安門過長安  
街文德坊還至河館

二十七日癸酉晴 皇帝免朝○是日詣禮部示坐  
卽還

二十八日甲戌晴 皇帝免朝○是日詣禮部時未



會余等候于空廊日晚尚書以下俱會各入別房不出也進賀使通事朴長連告市于主客司司郎中李義壯曰賈咨文藥材外無他賀你等只可進表獻方物賀例而已更欲何等賀市耶即持告尚書尚書荅曰照例許市可也日午尚書與左右侍郎出坐大廳諸郎位升堂行禮分立左右有新舉人四子就階拜謁而退李承華等遂引余等於階上再拜跪李實進咨文于使一外郎奉置尚書案上余等起揖趨退于外又外郎自內復召八舉人等于堂上廳設酌慰獎後具鼓吹新儀花其冠又以絳帛纏其身使進

通衢令郎中主事等護行乃堂上親屬也凡舉人率  
若不幸而至後榜則更不初試而直試之

階此為進取之路人甚榮之坐傍有一生於

素巾上着儒冠怪問之乃南方士人遊學國子者聞  
父喪呈部出文字欲奔云詰之即曰典故大小貧出  
入者率意經行永廢不復列士類云夫人始聞斬衰  
喪當分崩之際整冠襟對衆人言顏孔止暇無哀戚  
甚矣其失性也大抵中朝喪紀大壞經行不覩被  
衰戴經啗魚肉啜酒醴談笑自若已肆不親人亦為  
常道之不行民散久矣何足怪哉又有一總角過其



前甚爽秀心異之思招見未及焉迹之則浙東紹興府人也七歲通經史善綴文才識絕羣知府以神童薦進于朝廷曰命留翰林院以廣學問年 丁亥

也余等之到京師五日李永華來語車允成洪謙等曰岑郎中所索咨文紙已賫不答曰已賫矣但老爹今在何地地勢嚴密奈無語得通何永華曰岑公今移他司且陰朮之物豈可公呈俺暗傳也余不直所為即致秋等縉紳日覽不見岑萬所在今者又問諸部外郎去春丁憂還鄉云諸郎位送舉人遠街申時各還司余等先詣儀祭司八拜階上主事陳篋荅揖

即退詣主客司將升拜李義壯迎出楹外令只揖甚

恭遂退還玉河館西短連修理已畢即移舍焉

二字試之下缺七  
字年字下缺二字

二十九日乙亥晴 皇帝免朝○是日詣提督廳禮

謁主事事易寬其姓名也訖退就短連

三十日丙子晴陰而夜雨在玉河館○是日 皇帝

免朝令洪謙等詣禮部獻方物貢馬

九月初一日丁丑陰夕大風○余等與進賀 聖節

使書狀等就朝入詣午門外 皇帝免朝序班引臣

等升御路班立諸藩羗酋之上三叩頭退就光祿寺



門外喫 賜飯訖詣午門外又三叩頭即還玉河館  
典故外人在京師者只朔望就朝矣

初二日戊寅在玉河館是日晴 皇帝免朝○日午  
吳給事中家人吳天定金恩等來語車允成洪謙等  
曰老爹聞你等來到遣俺等問慰又曰皇華集何不  
持來夏閣老要見大功且老爹還京師即奏題本二  
度皆是深獎貴國之事你等知否允成等答以近日  
到京師求見通報知老爹奏意使臣以下不勝感激  
只恨無路致謝天定又曰朝鮮禮義之邦與獐子渾  
處一館殊非美意將夏有奏本請設一館以致甄別

之意且宗系事曾與夏閣老言李閣老時分釋說也謙等稱謝且曰皇華集與翠屏山清流壁等記

本國方鳩工鐫時未訖功近者冬至使來當奉進無疑也

初三日己卯在玉河館是日晴而暮陰 皇帝視朝

○午李永華又來言咨文紙事欲持去令車允成峇曰聞岑郎中已丁憂還鄉所賣紙不知所處永華曰岑果丁憂但此非岑自求實張侍郎壁曩於前侍郎謝丕家見咨紙愛其皓潔曰圖請於岑岑即令我轉求之今我持與張即來報云永華貪詐難信然事或



恐然而其勢亦難窮詰即援遣之

初四日庚辰晴 皇帝免朝在玉河館

初五日辛巳在玉河館 皇帝免朝○是日欽賜  
生羊及豕肉酒白粒等物

初六日壬午晴 皇帝免朝○是日光祿寺設行下  
馬宴臣等與進賀 聖節使書狀等早詣于會同館  
禮部尚書嚴嵩先入余等祇迎于階下少頃奉命太  
監黃錦繼入又出祇迎即於階上隨尚書之後向闕  
一拜三叩頭又入大廳就太監及尚書前再拜訖各  
就東西宴卓優人與樂呈雜戲于堂酒行七酌而罷

臣等隨尚書復行向闕禮又就大監尚書前再拜退  
階下祇送太監既出門序班以尚書命促召通事來  
進崔世瀛車允成等四人趨進而跪尚書曰汝國素  
守禮義至誠事大國王之表與咨文俱極義善昨  
見龔壯元吳黃門皆言國王敬朝廷純一無二至  
小大臣民莫不誠心向慕云爾道不置事甚可嘉曰  
顧提督主事易寬曰朝鮮禮義之邦何以待遇耶寬  
偽答曰五日一次任他出入也通事等仍告曰小國  
之事朝廷自先世盡敬不懈故使臣之來朝朝  
廷特垂禮遇不設防禁任便出入五日一放亦非



朝廷舊典去嘉靖元年間主客司孫郎中緣一朝  
細微之故擅變舊規始加拘禁實乖累朝優禮之意  
去甲午陪臣鄭士龍以門禁事呈咨文申懇于禮部  
禮部據咨題奉聖旨朝鮮素守禮義敬事朝廷  
比與他夷不同朝貢使臣許他自行欽此欽遵今則  
門禁比前尤嚴無異獐子肆我陪臣將欲呈文于老  
爹申理其事且本國人皆知讀古書知大義而况  
使臣逐日散放下人固不得恣橫今雖解禁豈至瀆  
亂乎望須老爹明正照舊施行尚書又顧易寬曰朝  
鮮之人須厚待如有遊觀處任他自行云寬雖朝選

實與牙子分甘之人聞其言面有赧色唯唯而已尚  
書又以 朝廷待之優厚如是我國亦當加勉之意  
說與通事傳諸我等余等趨就致謝訖退階下祇送  
復進揖提督主事及精膳司員外郎許勉仁即還玉  
河館呈謝恩報單于鴻臚寺

初七日癸未晴而大風 皇帝免朝○是日謝恩于  
大內臣等偕二使及書狀等待漏東長安門門啓而  
入詣午門外行五拜三叩頭禮即還玉河館令通事  
洪謙告市于禮部進賀使亦以門禁呈文事詣禮部  
尚書畏風不出通事崔世瀛呈于李義壯義壯持進



尚書尚書省過後書其尾日照例施行

初八日甲申在至河館是日晴而風 皇帝免朝呈  
謝欽賜報單于鴻臚寺

初九日乙酉晴 皇帝免朝○臣等與二使等待漏  
詣大內謝恩後出至東長安門內逢吳黃門洪謙朴  
菁等跪謁吳舉手揮止之余等趨揖吳答揖語謙等  
曰得聞來見云頗有懷舊之容又令舍人追語長安  
門外曰今於禁庭打話勢難從容從官倘有閑須圖  
訪我你輩出入已說了提督云而主事少無寬假是  
日賜文武百官饌酒之饋吳公亦赴此會也

初十日丙戌晴而風 皇帝免朝余等在玉河館○  
是日邀致序班副使等設酌慰待使問曰本國衣冠  
一依華制但未知祭服之制冠帶靴之樣衣裳物色  
之用昭昭詳說俾補未備永華曰文官五品武官三  
品以上色用大紅其餘皆青碧紗綾段帛各隨節序  
冠則戴梁靴着朝雲帶隨本品碧流品差祭則衣裳  
冠佩皆受出太常寺云使又曰西湖之勝例在八景  
其可得一壯觀乎答曰湖在都城四十里往觀斯非  
難矣且天地日月壇皆在十里亦可往觀日月壇  
皇上創立始祀也



十一日丁亥晴在玉河館 皇帝免朝

十二日戊子晴在玉河館 皇帝免朝是日開市

十三日己丑晴在玉河館 皇帝免朝

十四日庚寅在玉河館是日晴 皇帝免朝○禮部

移劄付于提督司許我國行人任他出入猶令序班  
一人押行然我行人越在異地無相知可來往從官  
等目公幹或往禮部亦必詰難至力辨然後給標帖  
又令伴送牌子等領率若駢羊然如日用蔬菜微物  
亦不能任便買賣縱無解禁劄時防制之嚴何以加  
此

十五日辛卯晴 皇帝免朝○是日清早令通事告  
遊觀於提督廳即與三使書狀官等西過文德坊至  
大明門外下馬步出正陽門門之南有門鎖之乃御  
門其東西又有門人物之出入正陽門者皆由之余  
等出東門轉而南渡正陽橋橋跨海子河乃玉河之  
下流也一橋而四石欄分隔為三橋中為御橋橋南  
有櫺樓扁以正陽橋由櫺樓而南十里許有三連虹  
門相對於東西西為后土壇之外門東其天壇也虹  
門晝閉而傍南開小門臣等由東虹門之傍小門而  
入至道觀額曰神樂觀觀之南東又有虹門扁以廣



利步由虹門之南挾門而入望見東北間松栢蒼翠  
當壇殿閣軒翥其上閣之據北者祭天之舊殿壇之  
在南者祀帝之新丘門之東二百步許至神路路之  
階東小南等綠磚為小臺而虛其中乃祀畢燒膳之  
處遂升階而造于壇之內門柱椽櫟棟皆石造而施  
五彩也序班李永華等三人與太常寺丞先至而俟  
矣入訖于壇下其庭階內外徧鋪光石滑澤無縫不  
可容足壇之制等青磚三層為臺而圓其形每層環  
以石欄由中至邊亦鋪青磚如輪圓形數皆用九玄  
碧金華之氣暎耀清虛壇之四方每層皆設橋欄升

由西橋至壇上其北壇外有二層小圓閣制極工妙亦覆以青瓦寺丞云奉安玉皇神主處也清高肅爽之界神悚不能久留即由東橋以下出小門東北而至一閣乃宰犧牲之典廳前有八面閣虛其項龕以鉄網乃神井之屋又西北旋至二層圓閣之壇外過栢林而西至于便門門鎖而傍有小門從而止出憇于門前寺丞煎茶以進余等亦饋以所晷酒果已序班等曰彼積翠中巋然之閣乃大祀殿祭天之舊處亦可往觀前導而行東有長臺繼於南北甚峻由西橋而上鋪石愈光澤小留面瞻西北三四十里間有



金山翠鳳王泉覺山香山雙泉五華寺無盡諸山龍  
翔鳳舞環拱皇都供勝一臺臺之形上平而下峻北  
高排於南俯視目眩臺下左右有二十四小臺設曲  
欄小龕用石為制乃祀百神之所南海神天下神歷  
代帝王神金字位牌置於臺上餘龕皆閉不得覩也  
八外門亦石制至于中門額以大祀由而八至大祀  
殿殿閣階庭石欄石橋玲瓏輝瑩奇壯巧麗殆非人  
世所覩身若在白瓊瑤裡行殿內鋪石光潔無縫隙  
圓柱之紛立闕之虛中者皆三把之材盡以萬葉金  
花數可四十高祖太宗配位連設於玉皇神位之

南東又對等日月星辰壇今龍於庭之東西寺丞云先  
代祭天神與日月皆於此闕今 皇上別等圓丘於  
闕之南以祀天又壇祀日月於城外之東西此闕今  
為閑闕又聞之 皇帝即位後諸所創建宮樓亭閣  
非一二數土木之役尚未絕然雇用民力民亦不甚  
苦之云余等從闕之西隅閣道而下出內虹門至于  
外苑老柏叅天縱橫周者輒成行列過栢林又至虹  
門寺丞之直闕者請留進恭訖謝以扇把前後闕皆  
丞也出門小許下人已來候即出外虹門還于

玉河館日已薄暮

贈字下

二字



十六日壬辰在玉河館是日晴 皇帝免朝○吳給事中使家人吳天定問寒暄于三使逆山西鄉試錄使接待以逆

十七日癸巳 以下缺

十八日甲午晴在玉河館是日 皇帝免朝

十九日乙未晴在玉河館 皇帝免朝

二十日丙申晴 皇帝免朝是日 賜上馬宴于會

同館太監趙政奉 命也祇逆後令通事告謁 聖于提督主事余等即與進賀使及二書狀官北過育賢坊五里許至此城之安定門未及門一里許東有

一洞洞之口起擺樓扁以國子監從而八一里許對  
建擺樓於東西亦扁以國子監擺樓之北為國子監  
之大門大門之內北見太學門不入而東又八一門  
南有大門而北有中門額以廟門二門皆設鍵不開  
矣庭之四隅周起長廊徧立短碑于內每式年刻進  
士姓名于其上也入由廟門之西邊小門行四拜于  
庭由東階升就于殿內五聖十哲之位皆如我國之  
制但朱牌而金其字設龕而不設櫝一位書大成至  
聖先師孔子四聖位書復聖公顏子宗聖公曾子述  
聖公子思亞聖公孟子其餘諸子書先賢某姓名或



先儒某姓名為異大殿之東南階下東廡之西建碑  
覆閣乃正統 皇帝御製也廟門內之左右等碧埽  
為小臺各五列置周石鼓於其上矣出至太學門由  
東邊小門而入正北有彙倫堂其東西各有長齋分  
為廳三堂扁額於上齊楹之上下三立虹門以通來  
往繩愆廳率性誠心崇至三堂在左博士廳修道正  
義廣業三堂在右二廳監丞與博士之所坐六堂亦  
皆有助教學正正錄之官別設榻于堂之北此必一  
堂官各掌一堂教誨但師生案榻紛亂移置封塵一  
尺不見人影欲詢監中事未由也唯問里無賴之徒

遠近是隨到處成衆蜂午殿堂莫有呵禁喧聒不堪  
留也彛倫堂閑閣由堂東轉而北入自後閣旋北壁  
至堂中自弘治以後三聖旨掛于壁上皆崇獎學教  
之意也堂北別立小殿及其門梁皆扁以敬一乃

皇帝親祭時齊殿也即出還過三擺樓至大興縣路  
街進賀使氣失常徑還余寺西過順天府貞節婦薛  
氏聖旨旌門鼓樓而西數里許至海印寺都中大蘭  
若也寺之東邊別有二三位佛宇其北起十二隅二  
層之樓濔巧莫測臺前植數條老栢境甚清幽不栖  
塵埃之氣又大池澤環抱牆外之北東西三面蘆荻



倚風離離據波岩鋪黃羅然遠近間間煙樹宮閣官  
解惹翠隱睽望之如畫圖亦一勝槩也少憩而出遂  
入寺之東門至三大士闕序班李時貞孫壁來待已  
久南出至正學殿乃寺之法堂也前至中門之內坐  
留少頃孫序班偕設酒饌來饋之傍有一年少生孫  
之姪親將帖分置于前索詩甚切牢拒之因與序班  
力求不置日暮相挽不獲已書給出自西沙門而來  
生退至敬謝過大澤石橋而南至宮牆之北又過北  
葦門東葦門東長安門到玉河館日已酉矣呈謝恩  
報單于鴻臚寺

二十一日丁酉晴而陰○是日 皇帝免朝臣等入

大內謝恩還于玉河館夜大風

二十二日戊戌晴在玉河館○是日 皇帝免朝

二十三日己亥晴在玉河館 皇帝免朝

二十四日庚子晴在玉河館○是日 皇帝免朝

二十五日辛丑晴在玉河館○是日 皇帝免朝禮

部皇隸持郎中標帖來令明朝詣 闕庭受賞賜事

二十六日壬寅受賞賜是日晴 皇帝免朝○未明

入大門內坐俟于午門外有役夫百餘名或數百名  
五六十名作隊擔荷而奔趨聯絡不絕問於人方起



乾清仁壽清靈等宮於闕內此其大者臺亭土木之  
細微者不知其數云又問新創與重修答曰三宮古  
有之嫌其窄小盡毀而改其制矣回問凡役夫有元  
定人耶曰本無發徒之例若有興作工部給銀兩雇  
用民力云有二漢共荷一竹籠來置於前問之乃諸  
閣老詣內李閣老舍人具食物候于外云閣老之尊  
自裹食物蒼頭肩荷而至百司之簡於口腹下人不  
愛膏血之患推此可知矣當叩禮部員外郎馬從讓  
入來臣等進揖而退於他處即以次招給賜物臣  
之所愛青段子三匹藍羅一匹紅羅一匹生黃絹二

匹青段子團領一件草綠段子褶子一件綿布一匹  
靴一隻毡襪一對使之所受衣服靴襪如其數段子  
羅絹布加一倍其餘正官所受如臣之所受之數打  
角只受羅衣三件靴襪各一對受畢還玉河館呈謝  
恩報單于鴻臚寺午後車允成洪讓朴長連等告提  
督主事曰龔吳兩學士欽使本國時俺等終始陪侍  
送至于江上兩老爹臨別曰你等早晚來京師須即  
尋訪俺等對曰尊嚴之地外人其何以得謁乎龔老  
爹曰天下一家彼此何嫌勿疑來見云到此數月防  
禁嚴緊尚未往拜諸老爹必以俺等無誠信外人心



行常然也今日公幹

斯迫歸期得半晝寬放用

仲卑懇於門閭未知老爹意如何主事曰任汝往見  
但次早有緊事理子無閑二十八日為當也

二十七日癸卯晴 皇帝免朝○跟同三使詣大內

謝恩還玉河館令李龜呈事完回還收于通政

二十八日甲辰晴在玉河館是日 皇帝免朝○車

允成等將往龔吳家告行于主事序班李永鼐棄標  
帖陰沮之易寬不知永鼐中間舞詠立威行私之由  
惑其言謂通事等曰不許外夷私自出入至如回公  
幹出入伴送牌子等領率載在大明會典况學士俱

是侍史從事臣若著露罪應至我今 朝廷法禁太  
嚴前者之語悔其不察也承華貪詐無狀徵索三行  
次殆無虛日至於欽賜食物及五日下午程恣肆徵劫  
太半拿去自顧所為通事等往他或宣漏所犯必陷  
重罪其奔走撓沮使不得行以此也

二十九日乙巳晴在玉河館是日 皇帝免朝

三十日丙午晴在玉河館是日 皇帝免朝

十月初一日丁未晴夕大風在玉河館○先是外人在京師者每月朔望必就朝是日鴻臚寺以 皇帝免朝不受報單臣等不就朝



初二日戊申晴而大風在玉河館是日 皇帝免朝  
○早朝遣李龜等往兵部請驗包車駕司主事黃訓  
與提督主事來坐于西照余等與二使二書狀適入  
拜禮而退主事驗包先於二行遂來余等之所寓解  
驗一包餘只量數畢語洪讓欲見余等路中所製證  
答曰萬里間關無暇製二公然之黃主事謂提督曰  
朝鮮禮義之邦相與推獎也

初三日己酉晴而風在玉河館是日 皇帝免朝

初四日庚戌晴在玉河館是日 皇帝免朝○遣通  
事等呈辭朝報單于鴻臚寺吳黃門令門子通問使

臣送滿湘竹畫扇一柄作長相思一章書于扇面曰  
梨花香李花香江鸞來時春晝長王孫草又芳夢滿  
湘憶滿湘雲水悠悠天一方鴈回人斷腸云尾書龍  
津乃吳別號也

初五日辛亥晴 皇帝免朝○是日隨三使待啓鑰  
入大內辭朝退就光祿寺前喫酒飯還詣午門外三  
叩頭仍出至禮部告辭於堂上退就下廊候郎官之  
出將告辭通事來言曰堂上以本國咨文三道出給  
序班李永華使賁去云余等望見永華果跪受而去  
也令洪謙探問 大明會典刊畢與否於諸外郎皆



曰十三布政使撰報諸使事時未畢到未知何時畢  
刊也在館亦問於序班等皆答以未知也日晚郎官  
皆下司余等詣儀制司行拜又諸主事客司郎中李  
義壯出迎令只揖不受拜頗加敬禮禮訖余等齊跪  
使臣令通事車允成傳告曰堂上以本國咨文三道  
不付俺等而授押行序班俺等在此咨文意未知而  
歸誠為未便且序班只往遼東咨文終置何處郎中  
曰咨文三道其一門禁其一弓面子違禁買賣事也  
其一藥材事而時未成牒序班持去遼東當授你等  
也李時貞在傍言曰序班往付遼東都司都司差舍

人往朝鮮國直傳國王也使臣復曰朝廷舊例詔書外雖勅書陪臣順便賚回況咨文乎今者俺等三人俱在京師不得受去不准甚違前例俺等之回還將有譴責且鴨綠江去王京甚遠差人移咨從古所無郎中曰序班若歸則慮其貽獎而云然耶車允成曰非謂貽獎有違前例故云也承華曰然則不必強辯我當授你也余等出外車允成就前告辭郎中曰今此咨文你用心賚去若不幸剋落了不得事藥材咨文待成牒明明日你來受去車允成曰不小咨文本國即當照數回復豈有中間剋落之理乎余料之



此承華欲往義州勢難越境必以咨文中有申珣等  
違禁買賣之言若陪臣受去當剋落中止之意誣弄  
禮部禮部曰不察也前者傳聞承華護行余等曰欲  
送至江上極力圖請於禮部且謂通事等曰俺今當  
防護三宰相送義州 國王將何以待我云使臣預  
教通事輩後若更發此言當答曰大人防護使臣只  
往遼東例也不當往我國雖往自義州去京甚遠我  
殿下何得知之州牧使必從宜接待前日孫序班  
過江時使臣預為馳啓者亦護衛 勅書及 欽賜  
之物使臣不得不馳啓我 殿下亦不得不厚禮慰

待也今大人只防護我等使臣不當馳啓大人之歸  
殿下亦不知之大人雖住恐徒勞耳以此目復開  
說云今觀此事果然也余等還玉河館

初六日壬子晴在玉河館是日 皇帝免朝進賀使

南世雄等離發京師

初七日癸丑晴而陰是日 皇帝免朝余等往提督

廳告辭而出

初八日甲寅晴在玉河館是日 皇帝免朝聖節使

趙賢範等離京師

初九日乙卯晴在玉河館是日 皇帝免朝令金衡



往順天府討車輛

初十日丙辰曉洒雨而晴○余等自玉河館起行出自崇文門過崇文橋聖旨張瑾妻田氏貞節門藍田塲運糧河之閘波由河南岸而東又過永濟寺五里許北見永濟橋而行歷通州之新舊城至潞河驛聖節便車輛不齊留待未數余等投宿驛前街賃房是日自京城來見疲癯殘病貧寡無告之民連路呼乞稽顙擊腦多出血喉焦燥不能出聲所持一瓢終日空空或練習狗子教之啣瓢興伏拜跪乞於行人此殘疾孤惻王政所先三季以下制民無產聽其自生

自養雖小康之世慣見溝壑之填而莫之恤世道之不能昇於大敵無足恠也

十一日丁巳晴在通州○吳希孟追寄紙裹小封二大封一于車乞成使傳于鄭士龍是日賃房主孟鐸字朝振請見余等出接設小酌曰給人情物鐸出四墮掛于壁其一幅赦歸次潞河贈孟朝振詩詩曰富貴時易趨貧賤寡所回握手不敢顧患難堪酸辛曰余自東徃三毒猶在身當時豪遊者轉眼成路人孟君敦古義逆我於城闌通宵坐相笑慰此顛危身揮淚送我行朔風吹黃塵及瓜得生還緣食依毗隣開



樽設華宴洗泐何情親執此一杯酒往事傷心神右  
乃蜀人東巖徐文華作也其二幅昔我檻送過遼東  
眼中親識誰能同反唇背面還相攻縉紳搆禍無終  
窮潞河晚次氛侵濛繞街邏卒氣若虹傍人失色心  
忡忡孟君仗義真豪雄今之朱虔漢孔融殷勤館穀  
禮數隆十年問遺頻相通幸承寬法成老翁嗟哉萬  
事回頭空兔葵燕麥搖春風共君爛醉彈絲桐右乃  
蜀人初亭程克作也其三幅曰人生富貴堪柶依  
親疎不問親相知積威一劫遭貼危平時握手皆支  
離海風卷地黃沙彌道路不用驚羣疑孟君高義邁

等夷見我三木囊胥靡掃室以埃食之糜衛卒相顧  
嗔且嗤利害不恤真瓌奇絕勝風塵負虎皮十年成  
籍還瓜期迨我途中淚交垂廡門客云誠堪悲複壁  
匿趙誰能為世事回首夢一炊幸今曳尾臨青池青  
天有月浮雲墮與之飲酒贈之詩讀此真是勸風移  
非我喔喔懷所私右乃方山子盧瓊新交篇贈孟朝  
振詩也其四幅曰南渡過通州星霜已十秋人情冷  
暖別天道始終周昔去逢青眼今來共白頭看君多  
義氣須向古人求右乃洛川劉琦詩也回問所以鐸  
曰此皆曩日御史給事中諸學士也去丁亥廬學士



於會坐中責張閣老孚敬曰公以大臣定國大禮若是其顛悖爾骸骨安能得歸故鄉乎遂大肆詈罵上聞之詔來午門外詰其凌辱狀對曰亂天下大禮故臣果詆之上大怒即命杖三十棍其餘三人皆以璫之執友亦杖之并竄遼東去春赦三人放歸田里獨劉琦不蒙恩命武定侯郭鄭固請并得放右劉往者論郭鄭事涉叛逆有梟首之言鄭不懷嫌怨盡力營救時論大之諸學士往歸過河皆留寓此賃房有相好意故贈詩而去云鐸又曰宰相在京師聞見士大夫清賢者為誰耶令車允成荅曰外人在牢鎖

中不出門棧安知上國卿大夫之賢否乎允成私語  
曰工部溫尚書仁和之清自在都中 鐸曰溫尚書  
果然然戶部尚書梁材之清簡朝廷一人矣又有郭  
韜剛毅峻潔不畏強禦人皆畏嫉故不得志於朝出  
為南京禮部尚書也又曰龔與兩天使東行時荒醉  
流連程廬諸公謂二人無行檢出使外國必虧朝廷  
之體貌而歸云使臣曰二學士在本國不受一物  
殿下力挽一日不得至今為恨二公之簡潔我國人  
皆思慕也鐸又曰往時臺社只四五回還之日數過  
三四十不知所賣者何物乎唐壯元真清白人也身



死之日家無一兩銀殯殮皆賴師友此人不可再得也夕鐸大備酒肉來饋而去

十二日戊午陰在通州

十三日己未晴至三河驛

十四日庚申晴○早行至草橋河水落河橋成由橋而北過烟屯舖白家嶺舖古公樂驛白澗舖邦均舖大柳樹舖演武場至薊州東城外又過鄉貢進士歐信門龍石橋至漁陽驛北來山勢至此益高磔為龍龍崆峒等山鎮州之東北西又西南走七十餘里連接古城免兒等諸山在三河縣之西北十五里間矣

十五日辛酉晴○過龍池河神山廟至說糧墩世傳  
唐太宗伐高麗時等為赧糧也又過豐家橋別山  
舖洛山店枯樹舖至陽樊古驛日已西沒夜行二十  
餘里至陽樊驛在王田縣西城外二三里矣縣北二  
十里許有燕山山之東有戶林山古楊雍伯種玉於  
此山故以王田名縣又名藍田也

十六日壬戌陰而風○過文廟適運所而行入藍田  
門過孝子李茂旌門進士坊恩榮門進士王世康光  
啓門進士張經門出縣之東城又過漢種玉雍伯楊  
公神道碑雙橋兜河沙流河舖古永濟驛還鄉河至



義豐驛

十七日癸亥晴而風○侵晨而行至七家嶺驛

十八日甲子晴塵沙漲天眼不能開○行至灤河三  
河積草成橋橋過至李一致步雲門乃今秋舉人也  
又過進士杜謙恩榮門至灤河驛車輛至河邊橋危  
不能渡車子擔濟

十九日乙丑晴○早行至昌黎山麓日沒至蘆峰口  
驛夜可矣矣

二十日丙寅晴而大風○至榆關驛驛丞請見進茶  
二十一日丁卯晴而風○侵晨而行至落亭峴舖道

中逢冬至使柳世隣書狀玄璉等下嗟于路左問  
上體平安即相辭而行至遷安驛李永華舍于驛館  
余等寓人家聖節使亦留在于驛前人家待車輛之  
落後矣令洪謨送人情物于主事及守備指揮家是  
夕守備送下程仍求行器與油棧行器多被竊油棧  
亦盡用答以無有只給硯一面

二十二日戊辰陰而微晴○當午行至東北茅一關  
擺樓前待晚牌主事病危苦不能出守備蕭寶代坐  
鎮東館譏出入余等遂過犯夜至八里舖前夕戒轄  
已畢晨而令一行待早牌而出關趙使自以先到關



後於我行陰懷不平且永華亦制之不得行以要已  
利使及余詣驛館見永華力陳不可留之意日晚許  
先行故僅得過關

二十三日己巳大雪○曉行風雪撲面陵谷皆平迷  
失路門關數十里日晚難到中前千戶所止城外關  
王廟前人家做飯仍留不發以待隨行之相失者行  
至高嶺驛止宿

二十四日庚午晴而陰○夜至沙河驛通事車允成  
持書狀先行是朝使臣語余曰趙使不快我行之先  
發頗露形色且昨暮車輛已到矣我等若先行過沙

河驛進宿東關驛則似爭路今當晚發不可越站使  
彼行先我東還甚合於事曰戒通事等不與彼行下  
人爭車輛

二十五日辛未朝洒雪而晴○過東關驛至沙河千  
戶所入自南城門舍武安王廟之東公廨止宿  
二十六日壬申晴○清早出東城之永和門過曹家  
莊驛至連山驛聖節使先在館矣

二十七日癸酉晴○趙使臣路得上氣證不能遠行  
使臣謂余曰聖節使不調不能遠行吾輩先行不安  
於心當晚發偕宿杏山累日如是可先歸耳余對曰



若證重滯臥孤館情當留者數日然行次各異勢終  
不得不先行況今也路困感氣此證乃數見日而行  
不暮而止自當調保追至遼陽也方茲冬節寒氣日  
隆未及往少凌河則明日定不至十三山從此程途  
漸差違平安軍馬自月初旬來待遼東凍餒之患至  
為可慮行李恐不得緩也使然之侵曉先行過杏山  
至小凌河驛

二十八日甲戌乍陰晴水過小大凌河至十三山驛  
二十九日乙亥晴而風○曉行至窩把舖日已曙矣  
過間陽驛至廣寧止于人家令李龜及伴送呈報單

于都察院及太監提兵官等處提兵適會客不得見  
官御史送下程

十一月初一日丙子朝陰而晴遣李龜討騎于提兵  
官提兵令家人持笠樣木骨子偕李龜來言曰前者  
國王寄惠絲笠甚精好但制度稍異於國俗此笠  
樣持達于國王更望造惠也且求請我國鞍子囑  
余等并上達也是日過盤山驛至高平驛夜已深矣  
初二日丁丑晴○清朝登程自高平五里後夏潦溽  
野尚未落水鋪大野馬不捷足一里之間四五蹶寸  
步尺行或徒或騎夜幾二更至沙嶺驛



初三日戊寅陰而大風夜雪○令李龜金衡等領車  
輜進到遼東遂先行至牛家莊驛進賀使前日離發  
此驛從車三四輜猶在城中街矣

初四日己卯晴而大風○曉行至海州衛驛遶馬入  
衛之西城門過嘉忠碑亭繡衣坊武舉孫文會武高  
登門御史大夫寧仲升進士門出東城門薄暮至鼓  
山驛

初五日庚辰晴○早行至首山嶺舖聖節使團練使  
已來候矣余等言其路中得氣證未能越一站速至  
則八九日當到矣仍問吾輩軍馬之到否前二行軍

馬留待遼東將盈三朔兵使與義州牧懲其弊不能  
及期時未到也余等遂行未至懷遠館一里許護送  
團練使李薰亦初到館指路甲士趙世康朱仲昌等  
來謁道左余等即就館進賀使至此已二日矣

初六日辛巳大雪以風在懷遠館○是日遼東諸司  
皆不坐

初七日壬午晴在懷遠館○進賀使發行是日令洪  
謙入城中權見察院及諸司等官

初八日癸未晴在懷遠館

初九日甲申晴曉行朝飯于三折河至三枝洞村家



止宿

初十日乙酉晴○鷄鳴而行至青石嶺下水路危阻  
由嶺之舊路而過至高嶺西麓做飯過嶺未出谷而  
日沒夜深至連山關村家止宿

十一日丙戌晴○曉行夕宿于長洲村家

十二日丁亥晴○晨而行薄暮寓宿劉家峴村家

十三日戊子晴夕洒雪○至金石山夕聞南叅判丁  
憂慟若在已

十四日己丑晴○早行朝炊于娑娑堡川邊申時還  
過江至義州城

回還行程

北京至通州

通州至三河縣薊州等地

薊州地至玉田縣

玉田縣至七家嶺驛

七家嶺驛至永平府灤河驛

灤河驛至撫寧衛蘆峰口驛

蘆峰口驛至山海關

山海關至高嶺驛

高嶺驛至東關驛



東關驛至曹家庄驛

曹家庄驛至連山杏山凌河

凌河驛至十三山閭陽驛廣寧驛

廣寧驛至遼東城

西行記

西行戴星而行朝炊于額院下大川遶網魚羹炙無  
滋味秣駒訖行到臨津登江亭四視上下其景趣多  
慰客懷仍中流南望有三丘勢相敵前後土頗江景  
最下丘尤勝巖下有釣磯可坐十餘人根立水中夕  
潮相蕩擊安得與溱園狂士遊其上觀魚之樂耶因

問舟子石壁去此幾何對以十里許石壁擅勝古有  
名稱抱遊賞之志有素千里迫征事實違心乘下流  
而不能听上流是猶見形而不見其心可歎仍投宿  
東坡驛此郵名實由于瞻而得然未詳坡公之曾奉  
命過去與暫謫居迹自恨聞見之疎也壁上有華使  
王董唐吏諸公之咏皆托意坡公也此日有臨津渡

一律次董大人韻一篇

見上篇詩卷

夕炊草具齋蔬逸軀

纔行輒勞食不能下咽恐將病莫同素善漁抱網出  
前川未幾而還大鯽四小魚不知數炙其大烹其細  
甘美與前隔等嗟息曰之魚其味必不大相遠豈有



卒皆而夕甘乎不過烹炙之術前不致意後應加意  
耳魚尚然人亦莫不有秉彛學不學之差其謬不億  
曰記于冊以自警

清晨姜同年永世聞吾來宿于寺挈壺來訪仍導吾  
東南行暫歷其家從而入知吾憚酒只飲其從徒仍  
與偕過崔將軍故基潛歎其清潔歷政府額已久文  
斯文為郡事時數其古意泯滅曰其址立為鄉社今  
為司馬昭文君亦好古之士也達可夫子家址在于  
後平生經濟一生忠義直與宇宙雲山相磨雲山磨  
而為盡夫子之道德忠義吾不知其盡耶抑未耶曰

過通都大市中紛紛擾擾庸庸昏昏復不知竟有何  
事而若是勞形役役反以為自得耶想文忠之世大  
市中嗷嗷哮哮者亦異今日之盛而百歲之後百千  
巧偽同歸腐草烟燼而文忠之道德忠義獨爭先日  
月為聖朝縉紳之楷範立天地之男子其可安於  
市井子而度一世耶都市中有孝子門東西橫對驚  
心問姜以實迹其孝也吾輩雖欲為執鞭不能得也  
日至滿月臺徧覓到雲橋而還下滿月瞻星臺在其  
西嗟呼砌陞顛落古基松柏叅天徘徊顧視雖異代  
之人將隕淚沾襟不知陽村諸老先生其何以忍見



離離之苗耶曰籍草援葛瞻歷故宮其址可方二三  
里想其千門萬戶盡為雉兔之場黍麥之田當其盛  
也卿士大夫尚不能到其間而樵夫巫女之倫成路  
於中遠觀之士其可以富貴窮賤存諸心乎中葉以  
上不可殫論李崔以後只有韓錄事高尚其事奎甫  
諸人奴事不暇行若狗豚其後李存吾獨何人也肝  
消國巨膽怒辛肆想其氣節屈原朱雲之類歟時君  
與之同事與殺隱圖隱古注言諸公展布於此中則  
冤哉宮闕雖至今存可也樵豎巫童將望而不能近  
矣惜其疎斥諸老只令姦豎弁於此中終不免為

聖朝驅鳥魚耳姜兄亦不免懷土之習盛稱滿月之  
形勝吾亦稍解地理粗迹沅澠此都真奇勝也山形  
水勢面面皆奇曲曲皆異雄深磅礴天作之境地理  
之形雖天下恐不能更得地經之說如武又信此都  
雖億千百萬豈有滅亡之期屬孫踪棄正士親信姦  
回一朝聖朝順天心從民望行湯武之事過此而  
後益信在德不在地之訓也曰辭姜君行二十里許  
青石洞中泉石甚秀異秋深澗谷盡赤間以聚班爛  
耶受越江後二衙八府治任吾曷襄與尹汝玉話宿渚  
碧樓托故不出來方覓扁舟欲孤吟游流之際二衙



送酒看與裝妓五人嫌其不開靜欲逆而勢不能信  
棹北上行一里許有德巖甚奇恠耽翫之久忽有校  
生洪崔二人踵至江濱目命泊舡登之逍遙徜徉風  
景靈秀觸目令人輒忘身世經朝天石住舟探其迹  
夕潮方生依稀見水中石形甚平廣也薄暮泊于銀  
灘西舡櫓不入永明寺主陟青雲橋橋高與松京篇  
月臺相適躋盡登坐樓上畏風入洒虛堂開戶而坐  
通望不碍無異浮碧坐久圓月昇遠岫鷗鶴鴈鴨互  
叫遠近洲渚烟微茫月初上光赤直射江中若億丈  
丹柱橫立焉微風時吹赤氣散亂東北內外江水便

是一段紅色矣。俄頃素月中天，碧空纖塵掃盡，水波不興，如明鏡。島嶼遠邇，峰岫繁繁，可指點腕中。勝槩不可形容。查仙府不知丹丘茅洞清都等境，能過此耶？否？金鰲所記有一書生，清霄朗月，住舟獨立其上，回視慷慨庭吟，孤嘯俯仰。今古賦襟，零思美人，卒乃遭遇箕家仙子。吾目竇然自思，所云一書生，豈多有其高吟瓊章，殆非烟火食者，能到疑亦教贊世本仙風道骨，淪精佳境，奮嘯宇宙，幾多歲月。安知清朝朗宵，援紫藟味至訣之際，不有羽人之儔，引而進相與開，胸臆悟奴盲也哉？世儒有三惑，自謂智者，天地之理。



無窮直以恠謾闕之其次謂本不有此事而贅世寓  
其言効漆園之放又其次目見其書心信其實智者  
解之而終不悟三者之見實有銖分而及乎卒不知  
贅世之自遇真仙誠與青蓮恭岳蓮華竒遇千古一  
轍則皆歸童見也惜乎非仙真骨法若有異人遊行  
斯境倘見欣然使夫獨行踽踽世無知己盤燮遑矣  
吾將安適離堂去國流落天涯蘭有秀芳菊有芳懷  
佳人方不敢言散襟無盡山河之景揮滂有限乾坤  
之中則又安知仙伯之有惻然者定不肯駕鶴乘蚪  
令與喬松輩浮游六合之外哉恨其不獨賞也宵不

能寢

槍山先生文集卷之二



檜山先生文集卷之三

附錄

墓表

光州李使君尚古嘗治郡茅一增秩通政有賢祖曰  
丁君諱燮字用晦事 中廟以孝友文學正直剛方  
有名嘉靖間年二十中司馬試三十二登第歷成均  
館典籍刑曹佐郎卒官慶尚道都事春秋四十四是  
歲庚子三月二十六日也其後六十一年庚子五月  
余駐節光州李使君授余以公行狀且言曰吾祖之  
葬於此道而吾為宰於隣邑墓道不顯無以詔後甲  
子一周而子又來斯豈非有待歟子為我誌之余以

不文辭不獲則謹取公門人丁君燭所撰行狀而為之說曰丁氏之先出於昌原其始有光純者仕新羅為大相入國朝有諱旱雨以惇行孝友薦於朝授職豐儲倉副丞生諱暉典牘署主簿生諱世明四山監役官監役蔡慕齋金先生安國誌其墓娶司議金壽亨女以弘治丁巳八月二十八日生公生而穎秀與羣兒遊斬然出等夷既長就學不以誦說為事好古詩文不屑於程式及仕於朝治身莅事內外斬斬人不敢干以私嘗為朝京書狀官不以絲毫有所私一行加敬性莊重嚴毅視志而交見人非違雖同



好不少饒至與其弟舍人公居怡怡終日未嘗見崖  
崖歲戊戌佐宣鎮南母夫人卒於京口公以久闕定  
省藥餌無所及摧慟成疾暮年而卒葬在先兆之後  
艮坐坤向之原公娶忠州朴氏女生二女長適直長  
鄭思晦次適童蒙教官李喜善生四子長曰尚哲平  
安道兵馬評事其次光州使君曰尚迪尚恆其弟也

鰲城李恒福撰

### 行蹟

先生性度沉靜嚴毅識趣高遠讀書不以應舉為急  
講究聖賢之學餘事文章當時許以國器為士林領

袖早年司馬又登茅官至慶尚都事孝友出於天性  
事母愛敬備至燒突必親自點視嘗仕於朝公退必  
反面有時秉醺作嬰兒嚶母聲及索乳之狀母亦視  
若孺子遭喪哀毀過制以雜粥一小器僅支軀命未  
練羸病不較友愛深至待弟舍人熾如保嬰兒每月  
朔必省墓仍訪姑姊妹以為常睦遇宗族一出於誠  
家契清貧著敝衣不以為意且嫉惡如讐一日有淫  
穢之客隨他客叅坐去後即令撤坐席而焚之金安  
老用事之時以生負途遇臺官怒欲治之即面叱之  
曰爾輩不効大姦欲治犯馬耶安老啣之後來仕路



蹉跎坐是也

月城李大曹謹識

外孫錄追附

先生二女長適直長鄭思晦次適童蒙教官李喜善

贈崇政大夫議政府左贊成兼判義禁府事生四

子長尚哲平安道兵馬評事次尚吉資憲大夫工曹

判書 贈大匡輔國崇祿大夫議政府左議政謚忠

肅號晚沙次尚迪宣教郎次尚伋兵曹叅知 贈吏

曹判書謚忠剛





寧川書院上棟文

醇儒蔚興於一邦既作士林之儀表盛德可祀於百  
世宜建祠宇之奕輪文運將亨矜佩爭賀恭惟四先  
生星輝東國玉柱南鄉繫竹溪之後昆鍾鵠江之淑  
氣志專儒術家聲不墜於肯堂孝為行源親喪自盡  
於泣血當時碩德後日鴻名猗兩丁之嗣興實一代  
之英偉或嚴毅而峻整氣質暗合於伊川或和易而  
正平言論必本於隣里喪致哀而漸盡居家之誠孝  
無倫忠斥邪而貶流立朝之風節可想又活溪英豪  
之崛起而粹質正學之有成益齋之忠再思之貞善繼

一家之業瀛溪而下考亭而上遍叅諸老之畫守顏  
巷之簞瓢陋窮不悶弄邵窩之風月爵祿是辭堊一  
閭文獻之相承藹匹休而並義為多士景合之不替  
幾警贖而滌昏事業雖未展於經綸民彞庶幾可以  
扶植顧千載生賢不數何十室忠信之多簇人傑於  
地靈邁蘇湖諸彦之輩出燦奎壁於天上擬瀛洛群  
賢之並生允矣吾道之南實乃邦士之韋德行敢湮  
於來裔崇奉宜睎於茲芬創新祠於舊鄉尊四老於  
一室人不謀而自合德不孤而有隣始慮時詘而舉  
羣終致天誘而神助不假州邑之財力爰卜縮小之



阪陳士捐廩而役需豐人護田而掌址廓拓綢彩變  
壇之勝胥次正潤於平原起神光斗牛之墟地望已  
著於古縣山北來根本盛大宛對龜蒙水東會賦絡  
分明恍接伊洛斯辨方而正任務揭虔而妥靈庶民  
子來神功日就屹堅高之數仞敞玲瓏之八窓入門  
墻而樞趨如承臯比之警咳仰典刑而薰染允合士  
子之藏修爰址寔基與天地而悠久嘉謨懿範同日  
月而高明載舉脩標先將吉語兒郎偉拋標東曉霧  
絀山瑞日紅想見春風和煦處玉樓金閣在層空兒  
郎偉拋標西零月清晨素影低甚得宵懷偏洒落分

明主敬露端倪兒郎偉拋擲南磳磳頭泥列宙參元  
氣不磨亘萬古彌高刺得在前瞻兒郎偉拋擲北  
看衆宿環宸極敦倫何幸鑑柯存今日於家他日國  
兒郎偉拋擲上倘蒙時雨潛滋養化機應識在冥冥  
妙處休言是幻象兒郎偉拋擲下渚杜庭蘭氣騰惹  
滿室襲薰邪穢除洋洋絃誦追游夏伏願上擲之後  
人知矜式士得依歸閑詩書禮樂之鄉作人材金玉  
其質奉蒸嘗潔蠲之祀遺盛事億萬斯年

月城李以恂



寧川書院請額疏

丙寅四月初九日

伏以崇獎儒賢乃振起斯文之要道廢隆德行爲尊  
動多士之盛舉此實古聖王之遺意而我朝 列聖  
尤所用心者也豈不以斯文倡導係於儒賢而多士  
之矜式在於德行故耶然則儒賢之表著德行之純  
茂者久已爲鄉邦之所深慕公議之所尊奉而未蒙  
國家廢崇之典則其於振起聳動之意果何如哉  
臣等 所居道內南原地有祠宇焉即故判官 臣 安慶  
順都事 臣 丁燠舍人 臣 丁燠佐郎 臣 李大邑等四人  
侑享之所也蓋處順實稟明潔聰警不羣自少已不

屑於舉子業厲志學問樂善好古持身則動遵經訓制  
事則一聽於義未嘗為浮議俗論之所撓屈孝友之  
誠出於天性早孤未及省顏為至痛事母而以少拂  
親志為深懼無方之養極其誠意平居則或為嬰戲  
而悅之侍疾則嘗其泄瀉而驗之及其居憂也飭粥  
疏水之節過於常禮處於土炕未嘗就枕夜必倚壁  
毛髮盡燥鷄鳴哭墓不避寒暑朝夕就厨手具饋奠  
雨雪擁篲躬掃塋域三年之內常如一日焉是以故  
儒臣廬楨贊其行比於高柴二連焉事其兩兄如事  
嚴父視其諸姪無異已出常喜讀近思錄謂此書於



入道最要而板本罕有其赴任求禮之日陳請刊行以  
廣其傳本縣舊無宣聖廟遂相地而營建已闡儒化  
已卯之禍罷歸田里終不得大用於世而其行誼之  
表表在人耳目者大略如斯矣煥燠皆中廟朝名  
臣煥其兄燠其分也兄分制行甚高孝友俱至庭闈  
之間婉容愉色奉養無盡及遭母喪哀毀踰制曰而  
成疾煥才及期而沒燠幾絕者數幸而得支友愛之  
篤索為一時之宰則平生同居和樂怡愉未見其崖  
岸焉其同堂異室之制至今流傳基址宛然矣言其  
資稟學識則煥之為人莊重嚴毅迥出尋常少就

賢師學務踐宗不以誦說為事治身莅職內外斬斬  
人不敢干以私見人非違則雖在同好亦不少撓焉  
當安老重權之日路逢臺諫峻斥其不能舉劾聞者  
竦然熿之為人忠誠端直始得家庭之訓終籍師友  
之益言議文字本諸春秋遇事盡言凜然不撓 仁  
廟大漸之時請入藥房叅視湯劑曰君父之病委之  
醫官可乎其忠愚之出於至誠如此乙巳禍作之際  
奸臣元衡使其門客夜抵熿家誘資百端而絕之甚  
嚴既配絕島又囑私人來覘其意而熿以死自誓終  
始拒却操心俟命不變所履沈潛典訓所造益深而



後於請所竟未得展布所蘊其宗士林之至今嗟惋者也  
大邑篤學力行不求人知於書無所不觀而專用心於  
內事其偏毋說禮俱至家雖貧窶而甘毳必備盡衷  
甚戚而禮亦稱焉三年廬墓期執奠需未嘗笑語治家  
不嚴而整潔黝屨空而亦晏如也宣廟朝有奉命於湖  
南者一見而知其為有道君子舉以遺逸文簡公臣成渾  
亦薦之于朝始除叅奉以母在之故強起應命毋浸  
屢被朝命力辭不赴甘忍窮寂無所顧慕所守者道所  
講者學真所謂隱居求志之士也然聞國家有亂  
輒扼告身北望痛哭其忠悃之篤有如此焉敦睦親舊

各盡思意周濟窮急不問有無其信服於鄉里誦久而  
不替雖材氓蠢愚無不下馬於其墓於此亦可見其人之  
平生矣嗚呼此四臣之至行懿德可以師表於士林者如此  
正學高義可以維持乎世道者如此其天資之純義同  
已有卓然不可及者而抑其淵源師承之正有自來矣蓋  
處順寔文正公巨趙先祖道義之交煥與熿受先祖之  
學而大邑則私淑於丁氏之內人者也遺風餘韻迄今  
未泯使南鄉章甫之徒稍知為己之學而與聞終遠之  
教者茲四臣之功也多士之尊慕久而彌篤 國家之  
崇報在所宜先而祠宇之建于今六十餘載矣迄未蒙



恩額之旌此固臣等不敏之罪而亦豈非昭代一  
大特典耶恭惟我主上殿下體祖宗之私訓念培  
養之先務九係先賢之祠次第旌額以示崇儒重道  
之盛意臣等欽仰聖德鼓舞忻抃乃敢相率重酬  
仰吁天門而其所陳列四臣德行之梗槩者宗據  
於鄉里長老之所傳誦先賢耆德之所撰述非敢有  
一毫過飭之言也伏乞聖明俯賜睿察特命有  
司錫以嘉命俾垂常祀之典以慰多士之望千萬幸  
甚臣等無任瞻天祈懇屏營之至謹昧死以聞  
答曰省疏俱悉疏辭令該曹稟處

禮曹回 啓

觀此生負金裕慶等疏辭則南原有祠宇即故判官  
臣安處順都事臣丁煥舍人臣丁燦佐郎臣李大邑  
等侑享之所也建設院宇于今六十餘載而尚未蒙  
恩額之典有此陳疏為白卧乎所四臣之至行懿德  
可以師表於士林正學高義可以維持乎世道遺風  
餘韻迄今未泯多士尊慕之誠久而彌篤千里叫閭  
願得 恩額可見一方公共之論而營建既久且與  
置設有間其在 聖朝崇報之道特 宣恩額以副  
其請未必不為風化之一助是乎矣書院 賜額今



後勿許每每聽從事曾有成命自下不取容議既內  
辭緣今姑置之何如 啓 特為賜額丙寅四月十  
六日同副承 旨申畢次知

賜額文

副修撰徐文裕製進

丙寅五月甲申朔二十三日丙午

國

王遣臣禮曹佐郎都處亨諭祭于故判官安

震順都事丁煥舍人丁煥佐郎李大邑之靈

士貴薦行學本踐宗世競驚華鮮有其質緬惟通判  
行遵古訓根性孝友寔為基本志養之敬致哀之禮  
感通神明二連同軌策名揚庭金馬石渠麗澤文正

君子得興士林禍煽同被噓媚超然獨舉不挫不污  
悼道愍世絕意榮路德茂位細用不克究有猗丁氏  
行峻而清孝謹馴性剛方直聲治身制事斬々有節  
登朝不顯遭制毀沒華質長潛餘徽未沫亦越中舍宣  
其賢季學醇行修稟資乃兄屢揚金閣蔚有盛名遇  
事蹇々益殫忱誠早習春秋深寃微旨立朝風儀根  
據大義遘時危艱群奸搆禍忠良駢首拊揚曷獲遂  
竄絕海危機日迫怡然若命玩心經籍癘土慕々卒  
坳于謫不待百年寃洗官復曰惟貧外卓行可儀系  
出名儒學源賢師薦孝出天悉循禮則克有其本克



積孚達蘊道婆娑樂彼衡泌幽貞粹潔炯炯雲月閣  
然而章屢被旌弓名高德純藹然流風 中宣盛際  
儒學彬彬躬行善士有茲數臣昭焯在人永為表式  
瞻彼湖邑有祠翼翼 揭虔並享儼義齊光迄于累  
禩祀典未遑衿紳聳慕彌久彌新封章請 額千里  
叫閭茲遣儀郎寵頒華扁不昧者存庶歆禮奠

春秋享祀文

思齊安先生

學道愛人遭時不淑既明且哲孝思維則純德懿行  
播在鄉里是崇是長香火千祀

檜山丁先生

經綸其志瑚璉其器誰之不如伊爾膺仕正直方剛  
無斁於人於千百年享有精經

游軒丁先生

大往小來君子道消冰炭難容受玦于潮于惟經濟  
奈時之屯亮考其德功在斯文

活溪李先生

素履而往朱紱方來樂只君子其德不回維持斯道  
儀式後學千秋血廟俎豆是格



文集跋

右檜山丁公所著詩文總若干篇公  
少靖遠盛際以文學進將大彫施  
率乃宦不過五品年不滿中身從政  
本末不甚著見然公之坊壘二百餘  
年而公之名不泯人至于今敬慕不  
衰此易故焉噫書云孝子孝者友于

兄弟施於有政故夫子直對之曰是  
亦為政矣蓋冲公之事親也其養致  
樂喪致哀殆無愧於古所謂孝者又  
嘗為同堂昆室之制此弟游軒公居  
怡之如也是公為政寔先立乎其大  
者而制行莅事之以方以正率皆孝  
悌中推此來是宜令冲石家傳於後



無疑也位卑而德尊年閑而名壽非  
公之謂歟獨公之文不行於世識者  
常恨之今幸於蒲甥李氏之家得  
舊藏一冊而游軒公後承旁搜遺唾  
合成數編坐付諸剞劂代一羽之爰  
尚可以觀全鳳也讀罽庭之策必識  
需此之蘊覽朝天之錄毋想觀樂之

盛至若吟詠諸什亦皆出於情性  
之正而壹唱三歎悅覩其人即是  
而公之政事文章又昭綽可見是  
烏可以寂寥於爛而少之哉將公  
之名甚斯集善壽其傳而學之  
恥沒此無補者庶幾有所勸也  
夫乙酉孟冬全義李基敬謹題



于卷尾

余閱叅奉丁君載興所著游軒  
藁後文有云檜山詩只有一  
首難以成帙附貼于此卷之末  
游軒檜山之茅而叅奉君卽游  
軒之嗣孫也間若南原宗人挺  
疑及叅奉君諸胤庶兄茅以書

來曰吾鄉之寧川院字四先生  
聯享之所三先生皆有遺藁之  
刊行者曰至於檜山獨無傳乎  
此一鄉士林之所嗟惜者今  
者窮覓而得此千篇將入梓壽  
傳備亦遍求遺唾俾得半卷且  
幸耳蓋吾祖忠肅公即檜山外



孫而實尸府君之祀故以余異  
於他宗而有是問其志誠可勤  
矣余乃廣搜彙篋得朝天錄一  
冊卽府君赴系日錄而下有外  
臺時所著詩數十首持此而往  
復于南鄉以爲合幃而銀棒亦  
以墓文諸作錄之其下體幃咸

備最豈非大幸也歟竊念我  
朝人物之盛莫尚於 仁明之  
際府君負才策名人生隆洽將  
大有為中錮於黨籍之禍終以  
孝而沒身位不能補其德學不  
能成其志重以血胤絕世廟主  
之托至悌步異姓之孫具天理



之難謀甚矣今幸新爛遺篇得  
係於兵燹流蕩之餘將傳示無  
窮期其亦有所待而然歟感歎  
之極叙此顛末以誌于院中諸  
君子

彌甥嘉善大夫敦寧府同敦  
寧碧珎李道晉謹跋

書跋後

昔我先府君於乙未歲刊出  
游軒先祖詩文而檜山旁祖  
遺業所傳者只有四韻一首  
而既載於游軒所撰譜序文  
矣其他狀德之文有白沙所  
撰墓表活字印記行蹟傳于



家牒故先府君以此二篇附  
錄于游軒集卷末而已而慨  
惜之心未嘗少弭於平日矣  
於易簣之日戎不肖等曰槍  
山已無血嗣矣其遺孀之散  
失於兵燹之役者勢也而李  
判書忠肅公既是外孫奉祀

之家必有所行之所藏而  
昔日沈復雖未免來此後更  
叩必有所得卽為入梓以成  
余未就之意以略不財留其  
院中以備後日之費不肖子  
命以來通求系鄉得登科策  
一道於宗人家且書問于忠



肅之嗣孫同敦寧道普甫始  
得朝天錄一冊及律詩數十  
餘着金而成卷乃付剞劂而  
刊布於世噫旁祖咳唾之遺  
終有所不泯而繼以遂先府  
君之遺志斯豈非有時而然  
歟涕洟滋業以記顛末云爾



崇禎後三乙酉仲冬上浣旁錄

竭謹書





